



JUDICIAL SYSTEM MONITORING PROGRAMME PROGRAMA MONITORIZASAUN SISTEMA JUDISIÁL

**Komunikadu Imprensa
Parlamentu Nasionál
Munisípiu Suai-Covalima**

30 Novembru 2015

JSMP organiza semináriu distritál kona-ba demokrásia no partisipasaun públika iha prosesu halo lei iha Suai, Covalima

Ohin, 30 Novembru 2015, JSMP organiza semináriu distritál iha Suai, Munisípiu Covalima. Semináriu ne'e sei partisipa hosi Prezidente Komisaun G Parlamentu Nasionál, nu'udar orador no Administradór Munisípiu no Postu sira, representante akadémiku, xefe suku, membru konsellu suku no membru comunidade hosi suku 9 hosi Postu Administrativu Suai, Maucatar no Tilomar ho totál partisipante na'in 80.

Objetivu prinsipál husi semináriu ne'e mak atu hakbesik no fasilita kontaktu entre comunidade ho deputadu sira. Mekanismu ne'e atu fasilita deputadu sira bele ko'alia kona-ba sira nia kna'ar no iha tempu hanesan comunidade sira mós bele hato'o direktamente sira nia hanoin, komentáriu, crítica, preokupasaun no rekomendasaun ba deputadu sira kona-ba saida mak sira hasoru iha sira nia comunidade laran.

Aleinde ne'e, bele hadi'a no enkoraza partisipasaun públika ni'an iha prosesu halo lei no promove transparénsia, efetividade no akuntabilidade servisu Parlamentu Nasionál ni'an iha halo lei, fiskalizaun no foti desizaun polítika.

JSMP hein katak ho forum sira hanesan ne'e sei forñese referensia útil no real ba distintu deputadu sira atu se posível bele inkorpora realidade no nesesidade comunidade ni'an iha proposta Orsamentu Jerál Estadu (OJE) ba tinan fiskal 2016 ni'an.

Tuir planu, programa hanesan ne'e sei halao fali iha Munisípiu Lautem, iha semana daruak fulan-Dezemburu 2015 ni'an.

Programa ne'e realiza tanba hetan apoiu hosi Fundu Sosiedade Sivíl, Gabinete Primeiru Ministru, hosi Governu Konstitusionál VI, tinan fiskál 2015.

Atu hetan informasaun kle'an liu tan favor kontaktu:

Luis de Oliveira Sampaio
Diretór Ezekutivu JSMP

Email: luis@jsmp.minihub.org

Telefone: 3323883 | 77295795

www.jsmp.tl

info@jsmp.minihub.org

Facebook: www.facebook.com/timorleste.jsmp

Twitter: @JSMPTl